



+27 12 752-6200



info@nect.org.za



Ground Floor, Block D,
Lakefield Office Park,
272 West Avenue,
Centurion, 0163



<https://nect.org.za/>

KU NYIKA NSEKETELO WA KU HLAYA EKAYA

Xiletelo xa 2 xa vu2 xa vatswari na vahlayisi va vana

Phuphu ya milawu ya mahlayelo

Ku hlaya ekaya



KU NYIKA NSEKETELO WA KU HLAYA EKAYA

Xana kaya ra wena i kaya ro hlaya ke? Ku hlohletela ku hlayela ku titsakisa, vana va fanele ku vekiwa eka xivandla xa ku hlaya ekaya kambe kungari exikolweni ntsena.

Hi lama maqhinga ya ku ku pfuneta ku endla leswaku ku hlaya swi va xiphemu xa ndyangu wa wena xa vutomi bya siku rin'wana na rin'wana.

Endla ku hlaya swi va maendlelo ya ntolovelo

Kuma nkarhi wa kahle, wo kala huwa na ndhawu leyi n'wana wa wena a yi tirhisaka ku hlayela kona. Leswi swi nga endliwa loko xikolo xi humile kumbe hi maxuxu ku nga se fika nkarhi wo ya eku etleleni.

Ndza ku hlayela, kutani na wena wa ndzi hlayela

Teka nkarhi u hlayela ehenhla na vana va wena. Vana va tiphina hi nkarhi lowu wo hlawuleka kun'we na vatswari va vona. Vabuti na vasesi na vona va nga hlayelana hi ku cincana.

Ku hlaya kan'we ntsena a swi enelang!

Hlohletela n'wana wa wena ku hlaya xitori lexi a xi tsakelaka swinene ku tlula kan'we. Ku hlaya hi ku vuyelela swi ta va pfuna ku kota ku hlaya hi ku hatlisa na hi nkhaqato. Ku hlaya hi ku vuyelela swi tlhela swi pfumelela vana ku tikumela hi voxwe swilo leswintshwa mayelana na xitori nkarhi wun'wana na wun'wana loko va xi hlaya.

Seketala ntirho wa vadyondzisi

Vatswari na vadyondzisi va fanele ku tirhisana ku pfuna vana ku va vahlayi lava va titshembeka. Loko mudyondzisi a nyika n'wana buku ku ya hlaya ekaya, ringeta ku yingisela n'wana wa wena loko a hlaya. Swi nga endleka

mudyondzisi a ku rhumela buku yo rhekhodela eka yona leswi n'wana a swi hlayeke leswaku u swi rhekhoda.

N'wana wa wena u tala ku tiphina hi ku hlaya loko a twa u ri ni ntsakelo wa ku teka xiave hi ku endla kunene eka migingiriko ya yena ya ku hlaya!




Ku pfuna vana lava tikeriwaka hi ku hlaya

A hi vana hinkwavo lava kotaka ku hlaya hi ndlela leyi fanaka. Lehisela vana va wena mbilu u tlhela u va hlohletela hi tindlela hinkwato leti u ti kotaka.

Ringeta xintlangwana lexi landzelaka loko u ri na vana lava va tikeriwaka hi ku hlaya:

Endla makhadi ya Maletere ya Mpfumawulo

- Petsa kutani u handzula swiphephana swi va swikwere.



- Tsala letere ra alifabete endzeni ka xikwerenyana xin'wana na xin'wana.
- Andlala swiphephana ehansi. Kombetela maletere yo hambanahambana. Kombela vana va wena ku boxa mipfumawulo (kungari mavito ya maletere).
- Kombela vana va wena ku vumba marito yo hambanahambana hi ku tirhisa swikwere swa maletere. Loko va ri karhi va veketela mipfumawulo endhawu yin'we, va fanele ku boxa mipfumawulo yoleyo kutani endzhaku ka swona va hlaya marito.



- Leswi landzelaka, kombela vana va wena ku tsala marito lama exiphephanini.

Ku kuma nkateko wa ku hlaya

Vana va fanele ku titoloveta ku hlaya ekaya na le xikolweni. Tirhisa swihlovo swo hambana swa ku hlaya swo tanihi timagazini kumbe tikhomiki leti va nga kotaka ku tihlayela hi voxe. Hambiloko hi nga kota ku pfuneta vana hi ta mahlayelo tanihi ndlela ya ku seketela ntirho wa vadyondzisi, vana va swi kota ku va vahlayi hi voxe.



Joyina layiburari

Vukorhokeri bya layiburari i mahala. Joyinisa n'wana wa wena eka layiburari ya vaaki. Vana va nga teka tibuku to fika mune kutani va tshama na tona ku ringana mavhiki mambirhi. Ku tshamela ro endzela layiburari swi endla leswaku vana va va na mbhulo wa ku hlaya – leswi va nga ta tiphina hi swona vutomi bya vona hinkwabyo.



Kokorhola swihlovo swa ku hlaya swona mahala kutani u swi chela eka foyini ya wena

Ku na swihlovo swo tala swa ku hlaya swona swa mahala leswi u nga swi kokorholaka kusuka eka Xihlovo xa Xihangunuso (App Store) eka foyini ya wena.

Hi bumabumela:

- African Storybook Reader (AsbReader)
- Book Dash (leyi ringaneleke swinene vahlayi lava ha riki lavatsongo).

Ku tlhela ku va na tiwebusayiti tin'wana laha eka tona u nga fikelelaka swihlovo swa leswi nga hlayiwaka mahala:

- Fundza Mobi www.live.fundza.mobi
- Nal'ibali www.nalibali.org (laha u nga kuma swihlovo swo swi hlaya hi ku hambanahambana ka tindzimi mahala)
- NECT www.nect.org

- Kamara ro Hlaya (Room to Read) www.roomtoread.org
- Layiburari ya Xilekitironiki ya Misava (Global Digital Library) www.digitallibrary.io



Xavela vana va wena tibuku

Loko swi koteka xavela vana va wena tibuku tanihi tinyiko. Hi ndlela leyi, vana va ta kota ku dyondza leswaku i xihlovo xo hlawuleka lexi va faneleke ku xi teka tanihi nchumu wa nkoka swinene.

Ku kuma switsundzuxo swo tala swa mahlayelo, u nga langutisa eka swihlovo leswi landzelaka:

- DBE: Swiletelo swa ku humelerisa hi ku endla: Ndlela leyi vatswari va nga hoxaka xandla ha yona leyi vuyerisaka ku fikisa eka ku humelela ka vana va vona eswikolweni. <https://www.education.gov.za/Informationfor/ParentsandGuardians.aspx>
- Nal'ibali: Ku endla leswaku ku hlaya swi va xiphemu xa kaya ra wena <https://www.nalibali.org/news-blog/blog/making-literacy-part-your-home>
- NECT: Xitsundzuxo eka vatswari, Ku nyika nseketelo eka vana va wena nkarhi hinkwawo wa ku pfariwa ka migingiriko hikwalaho ka COVID-19 <https://sacoronavirus.co.za/2020/05/20/advice-to-parents-supporting-your-children-through-the-covid-19-lockdown/>
- NECT: Swiletelo swa mahlayelo na switsundzuxo eka vatswari ku seketela nhluvukiso wa swikili swa mahlayelo eka vana va vona <https://nect.org.za/materials/advice-to-parents>
- Reading Rockets: Mahlayelo ya 101 – Xiletelo xa vatswari <https://www.readingrockets.org/reading-101-guide-parents>
- WCED: Xiletelo xa Vatswari; Kun'we a hi endleni dyondzo yi antswa. Xana n'wana wa wena u hlayile, u tsarile a tlhela a endla ntoloveto wa metse namuntlha? <https://wcedonline.westerncape.gov.za/tips-parents/guide-parents>



+27 12 752-6200



info@nect.org.za



Ground Floor, Block D, Lakefield Office Park,
272 West Avenue, Centurion, 0163



<https://nect.org.za/>

